

WEAN

AK.AT/DEINESTIMME

# AK WOI 2024

## auf an anzichn Blick



Wean 10.4.-23.4.2024

# DI AK WOI: AFOCH UND WICHTIG



**Di AK Woi in Wean is  
vom 10. bis zum 23. Aprü 2024.**

## **WOS GEHT MI DES AUN?**

Am best'n sama glei per Du. Es is so: Nur a stoake AK kaunn deine Rechte ois Oaweita und Angstöta durchsetzn. Waunst dabei bist, mischt mit. Des is bessä ois nua sudarn! Weu daunn host as söbst in da Haund, wies politsch weida geh'n soi in die nextn fünf Joa. Nämlich bei da Kaumma, die si um deine Rechte in da Hockn kimmat.

## **WEN WÖH I DO ÜBERHAUPT?**

180 Leit im obastn Gremium. Des haaßt Voiversaummlung. Des san die Leit, die daunn den Präsedenten oda die Präsedentin wöhn.

## **WOS WARAT DO FÜR MI ZUM TUAN?**

Du wöhist direkt in deina Hockn oda schickst a Kreizal mit da Post. Des aane wi des aundere host in ana Minutn erledigt. Woigeheimnis is eh kloa, kaana schauta dabei iwa die Schuita.

**Supatipp: Ziag da die Infos zuar AK Woi  
im Mitgliederblatt! AK FÜR SIE eine.**



## **WO KAUNN I WÖHN?**

Du kaunnst in da Hockn wöhn, waunn durtn a Betriebswoisprengl eingricht is. Des is in vülen mittlaren und größeren Fiamen so.

Waunnst am Woitog net in da Hockn sei kaunnst – weust im Urlaub bist oda grad di Hockn wechselst – kaunnst a Woikortn beantragn. Wie des geht? Do kriagst rechtzeitig an Schrieb vom Woibüro.

In deiner Hockn wird ka Betriebswoisprengl eingerichtet? Daunn wird da a Woikortn zuagschickt. Die gibst mit da Post auf oder du mochst dei Kreizal in an öffentlichen Woilokal – davon gibt's eh gnuä.

## WEA DEAF IWAHAUPT WÖHN?

Du bist am 3. Jänner 2024 – des is da Stichtog – unsöbständig bschäftigt oda freie Dienstnehmarin oda freie Dienstnehma? Daunn bist automatisch dabei.

Du bist am 3. Jänner 2024 – eh scho wissen, des is da Stichtog – Lehrling, geringfügig bschäftigt, karenziert, Ziwü- oder Präsenzdiena oder hocknstaad? Daunn kaunnst di in die Woilistn eintrogn loss'n. Des Woibüro von da Oaweitakaumma schickt da rechtzeitig an Schrieb.

## WIE HÜFT DA DES AK WOIBÜRO WEIDA?

Den wichtigsten Zund zur Woi kriagst schriftlich ins Postkastl. Des Woibüro benochrichtigt di persönlich:

- Ob du in di Woilistn kummst, wenn ´st net eh automatisch dabei bist (Anfang Februar 2024).
- Wie und waunn du a Woikoatn kriagst (Anfang März 2024).
- Waunn und wo du wöhn kaunnst (Ende März 2024).

Oiso, is eh ois kloa?

Waunn net, redst mit dein Betriebsrat/Personalvertreta oda mödst di bei da AK!

Serwas, griäß di!

### IMPRESSUM

Herausgeber, Verleger und Hersteller:  
AK Wien, Wahlbüro, 1040 Wien, Plößlgasse 13  
Offenlegung gem. § 25 MedienG:  
wien.arbeiterkammer.at/impressum  
Titelfoto: © silverblack - Adobe Stock  
Grafik: Andreas Kuffner  
Druck: Bösmüller Print Management, 2000 Stockerau

**AK WAHL HOTLINE**

**01/501570**

Mo. - Fr. 7.30 - 17.30

[akwahl@akwien.at](mailto:akwahl@akwien.at)  
[wien.arbeiterkammer.at/wahl](http://wien.arbeiterkammer.at/wahl)



**Nur a stoake AK  
kaunn si um deine Rechte  
in da Hockn kimman.**

**OISO, GEH WÖHN!**

**AK**



**#deineStimme für deine Arbeiterkammer**